

- Pribavite im kutije i odjeću za maskiranje.
- Dajte im papir, boje i plastelin.
- Skupite razne sitnice kao na pr. lišće, peruške, papir i platno za pravljenje nekih stvari a potom izložite njihove kreacije.
- Vodite ih na zabave za djecu - kino, bojenje lica (ako je to prihvatljivo u Vašoj kulturnoj sredini), dječije koncerte.

## Razmišljanje

Razmišljanje uključuje gledanje i slušanje, raspitivanje, pokušavanje i odlučivanje. Djeci je potrebno vrijeme da se osposobe da ponavljaju pokušaje dok ne uspiju u svojoj namjeri. Ako se ponekad razočaraju biće im potrebna pomoć odraslih.

## Djeci možete pomoći u razmišljanju tako što ćete im:

- govoriti o onome što upravo radite "To je daleko i moraćemo ići na autobus" ili "Moram skinuti džemper, jer je vruće".
- davati predmete koje treba da razvrstavaju i sparuju kao štipaljke ili čarape različitih boja,
- slagati slike,
- pribaviti igračke za sklapanje da bi mogli sklapati razne stvari,
- pričati šale i zagonetke.

## Učenje o prirodnoj okolini

Djeca uživaju igrajući se u prirodnoj okolini - dvorište, park i plaža - i istražujući je. U isto vrijeme ona uče o građenom svijetu oko sebe - cestama, kućama, prodavnicama, školama.

- Pustite djecu da istražuju vanjski svijet. Veliki dio tog učenja je igra u pijesku, blatu i vodi sa dosta prljanja.
- Govorite im o drveću, vodi, pticama, ribama i životinjama.
- Posadite sjeme i posmatrajte rast biljke.
- Posmatrajte s njima gradnju kuće sa sigurnog odstojanja.
- Istražujte zajedno s njima nove predjele.

## Tehnologija

Tehnologija se nalazi svuda oko nas i olakšava nam život. Stvari kao što su makaze, električni čajnik, pumpa za biciklo, mašine za veš, automobili i kompjuteri su proizvodi tehnologije. Tehnologija je korištenje stvari da bi se riješili problemi - kako da se opere pod ili da se reže materijal.

Pomoćićete djeci da razmišljaju o tehnologiji ako im:

- govorite o alatima koje koristite i o tome kako Vam oni pomažu,
- objašnjavate različite načine na koje se nešto može napraviti, osigurajte da dječaci i djevojčice dobiju jednake prilike da koriste stvari kao što su čekići, metle i kompjuteri,
- kažete šta bi ste mogli uraditi bez pomoći tehnologije - kako otići u prodavnicu bez auta, date podstreka da razmišljaju o načinima korištenja stvari za rješavanje problema - kako prenijeti nešto s jednog mjesta na drugo.

## Šta možete raditi s djecom u različitim dobima starosti

### Beba (do 6 mjeseci)

Vaša mala beba je aktivan učenik. Od rođenja do dobi od 6 mjeseci beba pokazuje šta je naučila okrećući glavu prema zvucima i pokretima; hvatajući stopala kad leži na leđima, smješkajući se kad vidi poznata lica i čuje poznate glasove, pravi različite zvukove i sve što dohvati stavlja u usta.

Male bebe vole da budu u društvu drugih - da gledaju lica, da hvataju za prste, da dodiruju kožu i kosu, da slušaju glasove i da budu njihane na rukama.

### Beba (6 - 12 mjeseci)

U ovoj dobi beba počinje da istražuje svijet oko sebe; Vaša beba jača i počinje da se kreće. Ona može biti uplašena kad u blizini nema onih u čijem se prisustvu osjeća sigurnom.

Starije bebe će se rado igrati kućnim stvarima kao što su štipaljke, kalemi konca, papirnati tanjuri, korišteni papir od pakovanja, kašike i plastične kutije (ali ne plastične kese). One vole stvari u koje se mogu uvlačiti i preko kojih mogu puzati.

### Malo dijete (1-2 godine)

- Iako su u početku nesigurna na svojim nogama, maloj djeci je drago što mogu da hodaju i da se penju. Padovi, male kvрге i masnice su normalna pojava. Roditelji predstavljaju siguran oslonac za malu djecu kome se mogu vratiti kad im to zatreba.
- Za njih je veoma važno da sami rade neke stvari i vjerovatno će njihova prva riječ biti "ne". Ona počinju da koriste riječi da bi Vam rekla šta žele.
- Maloj djeci je potreban prostor u kome mogu da istražuju i da trče. Potrebni su im veliki predmeti za koje se mogu hvatati i s kojima se mogu igrati - velike lopte, kocke. Ona vole igračke koje mogu vući i gurati.